



Seljord kommune

Næring og utvikling

Arkivkode: K01

Sakshand.: Torunn Raftevold Rue

Dir.tlf.:

Vår ref.: 2016/325 - 3

Dato: 11.02.2016

Seljord Røde Kors Hjelpekorps
Ingrid Slettensveg 14A
3840 SELJORD

Att.: Jarle B. Øverland

Svar på orientering om øving for Seljord Røde Kors Hjelpekorps på Lifjell, febr.2016

Seljord kommune er takksame for at Seljord RKH orienterer om at de har planar om å ha øving i området rundt Røde Kors-hytta og ved løypenettet på Lifjell helga 19.-21.februar 2016.

Etter Lov om motorferdsel i utmark og vassdrag, er motorferdsel tillete til ei rekkje nytteføremål med heimel direkte i lova, § 4, jfr også rundskriv T-1/96. Seljord kommune i samråd med Fylkesmannen i Telemark tolkar det difor slik at det ikkje er nødvendig at kommunen gjer eit vedtak i denne saka.

Seljord kommune set stor pris på at de no og i framtida sender ei orientering om at de skal ha øvingar. Dette er ein svært ryddig måte å gjere det på, og ein kan unngå misforståingar. Det er fint om Seljord RKH orienterer både politiet og SNO (Statens Naturoppsyn) før slike øvingar. Seljord kommune ser det som svært nyttig at de har øvingar for å trene på realistiske hendingar i fjellet vinterstid.

Det er viktig, slik de alt har skrive i brevet, at de tek kontakt med alle involverte grunneigarar på førehand.

Vi har fått opplysning om at de skal nytte desse skuterane med reg.nr: NY 5089 (Seljord RKH) og NP 6774 (Jarle Øverland).

Trasé for køyring er avmerka på kart og er det same som for øvinga i 2012.

Lukke til med vinterøvinga 2016!

Med venleg helsing

Torunn Raftevold Rue
Natur- og Miljørådgjevar